

www.BibleForChildren.org

Matthew 26



Ra ono na bongi
naghona na
Gougonu ni Lovovule,
Jesus te tona i Bethany,
na komuna Lazarus, na tinoni
te vola olia tana mate. Ma
Mary te lavia mai na beti
uruuru, te dato ngangata
na matena, mara gonia nia
na puku ni ghaiuruuru. Mary te
kovalaa tana tuana Jesus me aso
mamahaa nia na vuvulu ni uluna. Na vulana na
uruuruna na beti te vonughia na vale udolu.



Judas Iscariot, gaia sakai itadira ra hangavulu rua na manevetena, te tona itadira rana manesukaghi kamanagho, me bosa vanira ge ke peroa Jesus. Mi tana bona, rana manesukaghi kamanagho tara rongovia eni, agaira tara togotogo ngangata. Mara baubahu vania ge kara vahea na rongo. Mete vuni kakeri, gaia te vuivunia, na keneana ivei ke nea ge ke lubatia Jesus tana limadira.




Keri ge rana vaovarongo tara
gonighi tua na hava te bosai
vanira Jesus, mara gonidilai na lei
vanga ni Lovovule. Ma gaira tara
vanga so, ma Jesus te holaa na
berete mete holoutoa God me
ngitia, me tuvalia vanira nina
vaovarongo me ghaghua, "Tabea,
ghania! Aeni na huligu!"




Keri ge holaa na seu ni wine,
me holoutoa God, me vahera, ge
ghaghua, "Kau inuvia ighau udolu.
Gaia eni na ghabugu, te ngasilia
nina baubahu God vanira nina vure.
Na ghabugu ke tave vanira tara
subo, ge God ke talukehai na
paludira."



Jesus te bosa vania Peter, "Simon, Simon! Ko rongoviu mai! God te talana Satan ge ke tabotaboghau udolu, ge ke ghilala nimiu na taluutuni tara ngasi pe taho. Mi nau tu kokoeliulivutigho tua Simon, ge ke bei labe gea nimua na taluutuni. Tana bona ko ghoi ririuli mai tagua, ko patupatura lei hoghomu ge didira taluutuni ke ngasi."



Peter te bosa tughu vania, "Maghutu, inau tu ghanaghana dila, ge ku haghe kolugho tana vale pipiti puku mate kolugho!" Me bosatughu Jesus, "Inau tu bosa vanigho Peter, ke mua tangi mua na kokoroko igeva, me tolu tua na tughuru ni bosaana to mua ghilalau inau."



Jesus kolura nina
vaovarongo tara va tona
tana bona tara holoa nia
i Gethsemane, ge bosa
vanira, "Kau sopou iani,
mu ku va kokoeliulivuti
ghua inau i kakeri.
Tamagu, taho siki totobo
ke vahola vanigho.
Ko bei lubatiu gea ge ku
vahaghitali te vagha eni.
Ma sakai vamua, ko bei
taonia gea na hava tu
liona inau, mana hava
vamua to liona ighoe."



Na lei manesukaghi kamanagho mana lei Pharisee tara talana vania tua Judas sakai na ovu ni malaghai ni Rome mana balu malaghai tara righitaoni tana Valetabu, ge kara udukolua. Tara holai na lei totobo ni gehemate, mana lei bulu, mara tona tana hughuru ni olive keru. Ma sakai tadira te sipaa nina isi me kamo kehaa nia na kuli madolona nina seka na puku ni sonisukaghi. Ge bosa Jesus, "Beto! Bei labura!" Me talu olia na kulina na mane me mavo.



Ma rana malaghai tara lotia Jesus, mara lavi tona tana valena na puku ni sonisukaghi. Ma Peter te saritaonira mai imuri. Mara kerua na lake i ghobuna na valeala ni dete, ma Peter ghua itadira tara sopou talighutia na lake, mara madiru.



Ma sakai tadira nina
lei seka na puku ni
sonisukaghi, na kulana
na tinoni a Peter te
kurisia na kulina, agaia
te huatia, "?Ivei tea, u
righigho tua kolua Jesus
tana hughuru ni olive, pe
taho?" Ma Peter te ghoi nia
hughu so me ghaghua, "Taho!"
E mua hau vasoo me tangi na
kokoroko. Ma Peter te rughu
horu me va tangi ngurunguru
i pari bebete.





Ma gaira udolu na ovu ni dete tara
tughuru mara holaa Jesus vania
Pilate, na vunaghi haba ni Rome te
vunaghi pungisia na bubulo i Judea.
Ma Pilate te huatia Jesus,
“?Ighoe sughua didira
na vunaghi haba na vure
ni Jew?” Ge bosa tughu
Jesus; “Ighoe to bosaa.”
Ma Pilate te liona tua ge ke

lubatia Jesus, ge ghoi nongira
na vuresubo. Ma gaira tara

ghaeghahe oli vania,
“Patokia! Patokia!”




Keri ge a Pilate te lubatia
Jesus vanira nina malaghai, ge
kara va patokia. Ma gaira tara
hola kehaa Jesus. Ma Jesus te
hola na ghaivavalana me tona
tana bona tara holoa nia "na
Savu ni ulu." (Tana leu ni Jew
tara holoa nia, "Golgotha.")



Mi kakeri tara patokia Jesus. Ma gaira
tara patokira ghua erua na tinoni,
sakai tana madolona ma sakai
tana maulina, ma
Jesus ighobudira.



Me te dutu ni danikama, mana pungi te kuvihia na buto ni komu udolu me sara tana tangi tolu tana lighi ni aho na pukuna na aho te mua marara. Mana vokovokona ilokana na Valetabu te tarosi ghobuna. Ma Jesus te nia ghaeghahe na manga sule, "Mama, tu lubatia na tarungagu tana limamu!" Me bosa sokoi ini, ge mate.



A Joseph ni Arimathea, na tinoni
haba itadira rana oву ni dete, me
pitua na kinakabuna God ke,
te liosakai, me va nongia
Pilate ge ke lubatia
vania na hulina
Jesus. Ma Joseph
te pelua na tivi
marabu, vaho ge
hui

horua na
hulina Jesus
tana ghaivavala, me
sausaghua nia. Vaho
ge kolivaghinia tana
vatuluma ni beku te
tagiha gigiloa tana vatu
ngasi, me pilipilia na
vatu sule me pata nia
na mataulana na
vatuluma ni beku.



Tana roropoghana
tana Sabbath, rana
lei manesukaghi
kamanagho, ma rana
lei Pharisee tara
mai ta Pilate.



Mara ghaghua, "Aghe
na vunaghi haba, ai
ghanaghana olia so,
tana bona te vola mua
na tinoni sorisori ka,
te ghaghua, 'Ku
tughuruoli tana
mate i murina e
tolu na bongi.'"



“Ma gaira tara tona mara va
pataa mara titaa ngasilia
na vatuluma ni beku,
mara talura iga na lei
malaghai righitaoni
kara vatoghaa.”



Mete padi tua na Sabbath, mi tana
labota ghana tana sade roropo,
Mary Magdalene ma sakai
ghua Mary toro tona na va
righiana na vatuluma ni
beku. Me mina vasoo,
me anu sule. Na
pukuna nina angel
a Lord te horu

mai kokou,
me mai pili keha
na vatu tana
mataulana na
vatuluma ni beku,
ge sopou i
vuvungana.



Mana lei malaghai righitaoni
tara mataghu, mara tatata
ge ra tumu horu vaghara
na lei tinoni mate.



Mana angel te bosa vanira rana
vaivine, "Koro bei mataghu gea.
U ghilala so toro kenea
Jesus, gaia tara patokia
tana ghaivavala. E taho
iani agaia. Agaia te
tughuruoli tua te
vaghaa te bosaa.
Koro mai ani mo

koro righia na
malana te koli gaa."




Mina moro sania na vatuluma ni beku.
Oro mataghu, hauvaa me vonughira na
togotogo. Moro sama ni va bosa
vaniadira nina vaovarongo. Tana
bona toro tona so, me mina
vasoo Jesus te tate vanira, me
ghaghua, "Na mabo itamiu."
Ro dutuvia moro tabea na



tuana moro kikinima vania.





Mi murina ghua, Jesus te tate vanira ra hangavulu sakai nina manevetena tana bona tara vanga. Ma Jesus te pasara, na pukuna tara mua taluutuni mara kutuvatu, na pukuna tara mua taluutunira rahei tara vaevanea tua te volaoli. Murina Lord Jesus te kokoe soko vanira, God te lavidatoa i kokou, me va sopou tana pala madolona.



Na pukuna *God* te dolovi ngangataa
na vure ni maramana ge nia vetena
mai Dalena sosopa, keri ge gaira
udolu tara taluutunia, kara mua
mate ma kara loghoa na
vola maurihali.



Rome 3:23 Na pukuna na lei tinoni soko tara tangohahi,
mara kubolu ta nina kaekage ni rongoragha God.

Rome 6:23 Na tabana na tangohahi na mate kasila, mana
sonihalavu nina God te vola kasila, ma ta sakai sonikolua
dida na Lord Jesus Christ.

Rana Hebrew 9:27 Na lei tinoni udolu tua te sakai
tughuru ni mate vamua, mi murina keru vaho ge mai na
bona God ke detera.

Ephesus 2:8,9 God te vavolaghau nia nina na sonihalavu
tana bona tau taluutunia Christ. Ma God te vavolaghau e
mua pukuna na lei lutu tau nei. Taho, ma nina heveilee
God vamua. Na vola kasilaa keru, te mua tabani nimiu
na lei gehegehe te uto, ge ke bei nighi
talunagho heghena gea ahei.



Rome 10:9,10 Ma ge ko tughuniladai nia na mangamu gaia
Jesus te Lord, mo ko taluutunia tana tobamu ge ke
tughuruvaghinia tana mate, ge God ke volagho.
Tana bona to taluutuni tana tobamu ke, God ke va talu
maemanegho tua tana matana. Mi tana bona ko
tughunitatea mughua tana mangamu, ge God ke volagho.

John 3:16,17 Na pukuna God te dolovi ngangataa na vure
ni maramana ge nia vetena mai Dalena sosopa, keru ge
gaira udolu tara taluutunia, kara mua mate ma kara
loghoa na vola maurihali. God te mua nia vetena mai
Dalena tana maramana ge ke detera na vure,
ma mughua ge ke mai vavolara.



1 John 5:11-13 Aeni na hava God te talutatea - Gaia te vaheghita na vola kasila, mana vola keri ighita ta lavia itatana Dalena. Ahei te sakaisonikolu itatana na Dale ke, agaia te loghoa na vola kasila. Ma hei ke mua holopangotia dalena God itatana, ke mua lavia na vola kasila. Inau tu gerei na lei totobo raini lokana na gegere eni vanighau tau taluutunia tua Dalena God, ge kau ghilalaa tau lavia tua na vola kasila.



Matthew 26-28; Luke 22-24; John 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Gela Bible (nlg) Copyright © 2015 Wycliffe Bible
Translators, Inc. All rights reserved.

<https://live.bible.is/bible/NLGNEW/MAT/1>

©2024 Bible for Children, Inc.

www.M1914.org

www.bibleforchildren.org

